



Sumáriu Ba Julgamentu Kazu Iha Tribunál Distritál Díli Dezembru 2012

Iha Dezembru 2012, JSMP kontinua ho atividade monitorizasaun proses julgamentu iha Tribunál Distritál Díli (TDD).

Hanesan mos ho tribunál sira seluk, hahu 15 Dezembru 2012 too 15 Janeiru 2013, tribunál sira hotu iha teritoria laran tomak nia atividade suspendidu tanba tribunál sira tama tinan feriadu anual.

Alende ne'e, JSMP mos iha komitmentu institucional seluk, nune'e JSMP so bele konsegue rejista kazu 2 durante períodu Dezembru 2012 nian laran.

Kazu rua ne'e mak kazu krime falsifikasaun agravadu no kazu krime explorasaun ba jogu ilícitu.

Tuir mai deskripasaun sumáriu julgamentu kazu ida-idak:

1. Falsifikasaun dokumentus agravadu - 682/2011/TDD

Tribunál Distritál Díli

Kompozisaun Tribunál	: Koletivu
Juis	: Dr. Antonino Gonçalves, Dr. António Gomes, no Dr. Duarte Tilman
Ministériu Públiku	: Dr. José Ximenes
Defensória	: Dr. Manuel Exposto
Konkluzaan Kazu	: Arguidu nain 2 hetan pena prizaun no nain 2 absolvidu

Iha 04 Dezembru 2012, Tribunál Distritál Díli adia prosesu leitura ba kazu falsifikasaun dokumentus agravadu ne'ebé rejista ho Númeru Prosesu: 682/2011/TDD. Kazu ne'e adia tanba Minisériu Públiku nomos defeza ba arguidu sira la marka prezensa inklui arguidu nain ida husi nain 4 ne'ebé involve iha kazu ne'e.

Tanba ne'e, tribunál marka fali orariu julgamentu ba leitura sentensa ba 14 Dezembru 2012.

Bazeia ba prosesu sira ne'ebé hala'o ona antes, tuir mai iha 14 Dezembru 2012, depoisde halo avaliaun ba faktu sira no prosesu tomak, tribunál konklui hodi hamonu pena tinan 2 fulan 6 maibé suspende tinan 3 ba arguida Tunila Soares no arguidu Fernando Soares.

Entretantu ba arguidu Abilio Babo no Joanico Cardoso absolvidu tanba tribunál la hetan evidencia adekua kona-ba sira nia involvimentu iha kazu ne'e.

Kazu ne'e involve arguidu na'in 4; hanesan Tunila Soares, Fernando Soares, Abilio Babo, no Joanico Cardoso. Kazu ne'e akontese iha 2007, iha Distritu Ermera.

2. Explorasaun jogus ilísitu – 442/2012/TDD

Tribunál Distritál Dili
Kompozisaun Tribunál : Singulár
Juis : Dra. Ana Paula Fonseca
Ministériu Públiku : Dr. José Luis Landim
Defensória : Dr. José da Silva
Konkluzau : Kondena arguidu ho pena multa

Iha 04 Dezembru 2012, TDD hala'ó audiénsia no leitura sentensa ba kazu ida ne'e.

Ministériu Públiku haktuir katak iha 14 Novembru 2010, mais ou menus tuku 16.55 lorokraik, iha Estasaun/*Terminal* Becora polísia kaptura arguidu ho inisiál VNdS tanba arguidu kaer hela *kupon* SDSB ne'ebé la iha lisensa. Polísia mos konsege prende osan hamutuk \$950 centavos. Ba kazu ne'e Ministériu Públiku akuza bazeia ho artigu 322 Kódigu Penál kona-ba explorasaun ba jogu ilísitu.

Iha julgamentu, arguidu konfesa tuir buat ne'ebé hakerek iha akuzasaun. Tanba ne'e, Ministériu Públiku deside atu la apresenta ba tribunál testemuña na'in 2 ne'ebé nu'udar membru PNTL ne'ebé momentu ne'ebá kaptura arguidu.

Iha ikus tribunál konklui no hamonu pena multa ba arguidu hamutuk US\$ 15 no kada loron arguidu sei selu 0,75 durante loron 20 nia laran.

Atu hetan informasaun kle'an, favor kontaktu:

Luis de Oliveira Sampaio
Diretór ezekutivu JSMP
Diresaun e-mail: luis@jsmp.minihub.org
Landline: 3323883
www.jsmp.tl